

piat cum alui lubricitate aut vomitione.

Vacuare licebit leniente medicamento in mali principio, potissimum si materia mali fuerit furiosa, & modò non fiat à sanguine peccante sua copia; tunc enim potius fiet venæ sectio moderata. Cùm autem rarius hoc malum ab vno fiat humore peccante (solent enim omnes ferè putrescere in istis febribus pestilentialibus, atque incendi; alius humor tamen magis alio) contingit non modò continuas febres pestilenciales fieri, sed etiam intermittentes propterea generantur pestilenciales; ideò pro ratione humorum peccantium purgatorium præscribatur quod conueniat medicamentum. Nullo autem modò fortioribus vtemur medicamentis soluentibus, ne humorum exagitatio fiat & ebullitio, quæ hîc sæpe fit, haud aliter atque vinum perturbari solet in diebus canicularibus.

## AVERTENTIBVS.

Vomitus conuenit multum ab initio, si ventriculus multum cibo repletus fuerit, humorésve maligni in eo fluctuent.

Cucurbitulæ hirudinésve cruribus, humeris, natibus aut dorso, iisque locis vbi bubones emergere solent, affigentur cum scarificatione, & potissimum hoc fiet, si venæ sectio fieri prohibeatur; contingit equidem sæpe hoc medio humores venenatos sic trahi ad locum vbi spes est bubonem emerfurum; multum autem sanguinis educemus. Tuberculis quoque erumpentibus admouenda erit cucurbitula magna, vt à corde auertatur vis veneni, & ne intrò rursus se subducatur, quod sæpe fit.

Sudores promouendi sunt statim vbi venæ sectio facta fuerit; hos enim natura sæpe per se, tertio quatòve die excitare solet; fiet autem cum decocto petalites, cardui benedicti, scabiosæ.

EXPELLENTIBVS *pestis seminaria, vimque venenam humorumque malignorum agitationem impredientibus.*

Gg